

Eusko Jaurlaritzaren enpresa publikoek 3.804 milioi pezeta galdu zituzten iaz

SPRIk, EITBk eta EETTk galdu zuten gehien, eta EEEK irabaziak lortu zituen

Eusko Jaurlaritzaren enpenepeko 78 erakunde eta sozietate publikoek 3.804 milioi pezeta (150 milioi libera) galdu zituzten 1994ko ekitaldian, aurrekoan baino 78 milioi gutxiago. SPRI, EITB eta Eusko Trenbideak dira diru gehien galdu duten sozietateak, eta EEEK irabaziak izan zituen.

GASTEIZ

EAEko enpresa publikoek orokorrean dirua galdu badute ere, beren fakturazioa % 24 gehitu dutela erakusti dute Gasteizko Hazienda sailaren datuek. Bestalde, mugiezinen amortizazioak kontutan hartuz, emaitza ez litzateke negatiboa izango, eta enpresek 3.234 milioi superabita izango lukete.

Enpresa publikoen diru sarre-
rak bi iturri dituzte: berezkoak, % 60 inguru, eta beraien defizitak konpentsatzeko Jaurlaritzak eman ohiz dien dirua, gainontzeko % 40. Hala ere, atal honetan ezberdintasun handiak daude enpresa batetik bestera.

Hala, diru sarrerak 28.770 milioi pezetara iritsi ziren iaz, aurreko urtean baino % 24 gehiago, baina sarrera hauetatik 15.582 milioi pezeta gas natural horniketarik etorri ziren, Naturgas eta Gas Euskadi enpresen eskutik.

Gainontzeko enpresen diru sarrerak askoz apalagoak izan ziren. Hala, Eusko Trenbideak 2.763 milioi pezeta sartu zituen eta Euskal Irrati-Telebistak (EITB) 2.031 milioi. Azken honen 2.031 milioi publizitatearen



EITBk 1.025 milioi galdu zituen arren, 1.026 milioi gutxiago jaso zituen subentzioetan.

bidez bereganatu zituen.

Aurrekoaren ondorioa da euskal Administrazioak enpresen defizitak estaltzeko emandako diru kopurua: EITBk sektore publiko osoari emadako subentzioen erditik gora eraman zuen, guztira 10.294 milioi pezeta. Hala ere, subentzio hauek aurreko urtekoak baino mila milioi gutxiagoak izan zirela diote Hazienda sailaren datuek.

SPRI (Industriaren Sustapen eta Eraldaketarako Baltzua) erakundearen diru sarrearen erdia Gobernuak emandakoa izan da (2.546 milioi pezeta) eta beste erdia berezko sarrearen izan ziren (2.568 milioi).

Eusko Trenbideak, berriz, 3.490 milioi pezetaren suben-

tzioak jaso eta 2.763 milioi bildu zituen.

GALERAK ENPRESAZ ENPRESA

Guztira, enpresa publikoek 3.804 milioi pezeta galdu zituzten subentzioak sartuta —subentzioak aintzat hartu gabe galerak askoz handiagoak izango lirateke—. Zenbaki gorri hauetatik 1.025 milioi pezeta EITBri dagozkio, 1.352 milioi Eusko Trenbideak-i, 1.416 milioi SPRIri eta 815 milioi informatika alorreko EJIeri. EEEK (Energiaren Euskal Erakundea) aldiz, gas naturala ustiatzen duten enpresak sartuta, 1.246 milioi irabazi zituen.

Inbertsiōei dagokienez, erakunde eta sozietate publikoek

17.231 milioi pezetara gastatu zituzten material mugiezinean, aurreko urtean baino % 15 gehiago. Inbertsio gehienak SPRIk egin zituen, 6.321 milioirekin.

EAEko sektore publikoak dituen 78 erakunde eta sozietateetatik, hamabosten kapital osoa Jaurlaritzaren esku dago. Hauen artean EITB, Eusko Trenbideak eta EEE daude. Enpresa hauek 2.769 langile zeuzkaten iazko ekitaldiaren bukaeran, aurrekoan baino 138 gehiago.

Langile gehien dituztenak Eusko Trenbideak eta EITB dira, 1.037 eta 911rekin hurrenez hurren. EEEK 189 langile ditu eta SPRIk 172. Sozietate publiko hauetako langileen % 4 zuzendaritza karguetan daude.

**Aberenari
emandako
laguntaz galdetu
du PPK**

GASTEIZ

Aberena pentsu enpresak diru laguntzak zergatik jaso zituen galdetu dio PP alderdiak Javier Retegi Industria sailburuari Eusko Legebiltzarrean. Enrique Villar PPKo legebiltzarkidearen ustez, enpresa honek Haziendarekin aspalditik dituen zorrak oso handiak dira.

«Laguntzak onartzeko kontutan hartu behar den lehengo gauza lagundutako enpresak kontu guztiak kitatuta dauzkan ikustea da, eta Aberenak gero eta handiagoak dauzka», adierazi du Villarrek, eta laguntzak kontrolatzeko moduz galdetu dio Retegiri.

**Martxorako
eraikiko dute
Sestaoko
altzairutegia**

M. A. / **BILBO**

Bizkaiko Altzairutegi Trinkoaren (Aceria Compacta de Bizkaia-ACB) eraikuntza lanak datorren martxorako burutuko dira, enpresatik jakinarazi dutenez. ACBren sorrera finantzatzeko 5.000 milioi-ko aurrerapena sinatu dute konpainiako arduradunek zortzi banku aseguratzaileekin. Hilabete honetan aurrikusita dago finantziaketa plan osoa sinatzea.

ACBk 300 langileko plantila izango du eta datorren urte hasierarako egongo da osatuta.

Sidenor erosteko aukera egokiena GSB dela berretsi du Ardanza lehendakariak

ORDIZIA

Jose Antonio Ardanza Gasteizko Gobernuburuak GSB altzairugintza taldearen aukera defenditu du Sidenorren jabe izateko. Sidenor enpresa publikoak pribatizatzeko prozesua irailako burututa egon behar bazen ere, erosteko eskaintza egin duten konpainiekin negoziazio erronda berria hasteko asmoa dauka Madrilgo Gobernuak. Eusko Jaurlaritzak GSBko akzio-duna da eta beti defenditu izan du siderurgi talde honen aukera Sidenor erosteko.

Adierazpenok Ordizian egin zituen atzo Ardanzak. Bertan Altzairuzko Egituraren Institutu

Teknikoa (ITEA) inaguratu zuen. Altzairuzko egiturak «eraikuntzan dagokion lekua betetzea» litzateke. Institutu honen helburu nagusia. Euskal Autonomi Elkartearen lehendakariaren esanetan, ITEA «oinarrizkoa izango da siderurgia berrantolatzeko Administrazioetik daramagun prozesuan». Bere ustez altzairuaren industria «euskal ekonomian jarduera garrantzitsua» da.

ALTZAIRUAREN ERABILERA BULTZATU

ITEAko presidentea Juan Jose Aroztegi da, Arstrain enpresako zuzendari nagusia. Aroztegiaren iritziz altzairua «infraerabilita» dago

Espanian, eta edifizioen eraikuntzan material honek daukan garrantzia eta kalitatea azpimarratu zuen.

Espaniako Estatuan eraikitzen diren edifizio, lantegi eta zubien % 75ean hormigoia erabiltzen da lehengai moduan. Gainontzeko % 25ean altzairuzko egiturak eta zutabeak erabiltzen dira. Europako Batasunean, berriz, altzairua eraikuntzen % 50-60tan erabiltzen da.

Altzairuaren erabilera bultzatzeko xedez sortu da ITEA. Bertako partaide dira J.M. Arstrain, Fco. Ros Casares, Comercial de Laminados, Urssa, CSI Productos Largos, Laminados Velasco eta Callfersa besteak beste.

EUSKO JAURLARITZA

HEZKUNTZA, UNIBERTSITATE
ETA IKERKETA SAILA



GOBIERNO VASCO

DEPARTAMENTO DE EDUCACIÓN
UNIVERSIDADES E INVESTIGACIÓN

ORDEZKAPENETARAKO IZANGAIK

Ordezkapenetarako izangaien zerrendetan daudenentzako bakar-bakarrik

1995eko irailaren 13ko, Pertsonal Kudeaketarako Zuzendarien Euskal Autonomi Elkarte unibertsitateaz kanpoko herri ikastetxeetan ordezkapenetarako izangaien zerrenda kudeatzeari buruzko jarraipideak onartzeko Erabakia argitaratzearekin batera, ordezkapenetarako izangaien zerrendaren batetan apuntatuta dauden guztiek edozein Hezkuntza Lurralde Ordezkaritzara jo beharko dute norbere datuekin izango duten fitxa jasotzera, aipatutako datuak agiazatu, akatsik izanez gero erreklamatu eta fitxaren bidez ordezkapenak egiteko nahiko litzuketen irakasgai berriak (gaitasuna izanez gero) eta beste lurralde batzuk eskatu ahal izateko.

Fitxak jaso eta datuak egiaztatu ondoren Ordezkaritzan itzultzeko edo, bestela, dagokion erreklamazioa aurkezteko epea 1995eko urriaren 5etik azoaren 3ra izango da, bi egunak barne. Epe horren barruan lehendabizi fitxa jaso eta ondoren itzuli edo erreklamazioa aurkeztu ez duena ordezkapenetarako izangaien zerrendatik kenduko da.

1995eko urriaren 5etik azoaren 3ra bitartean Lurralde Ordezkaritzak 18,30ak arte egongo dira irekita.